

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málgagn Kommúnistaflokks Íslands/Marxista-Lénínista

8. tölublað

Þriðjudagur 20. febrúar 1979

8. árgangur

verð kr. 100.-

Ríkisstjórnin þjónar atvinnurekendum

Ríkisstjórnin sem nú situr í löggjafarsamkundunni kennir sig við launafólk í landinu og segist verja hagsmuni þess. En litríkur valdatími hennar hefur svo sannarlega verið á annan veg. Kjaraskerðingar, samningsbrot, skattaálögur, samdráttur í opinberri þjónustu, svikin loforð, uppsagnir, atvinnuleysi og dýrtíð er það sem einkennt hefur valdatíð núverandi stjórnar. (Ekki þó svo að skilja að þær fyrri hafi verið hótinu betri).

Ríkisstjórnin sammála um að lækka verði kaupíð.

Mikið fjaðrafok varð á Al-

þingi nú fyrir skömmu vegna efnahagsmálastefnu Framsóknarflokksins. Upphlaup Ólafs Jóhannessonar þá bar mjög keim af upphlaupi kratanna í desember.

Í desember var gerð "málamiðlun" við krata um kjarskerðingu og samningsbrot. Næst ætla Alþýðubandalagið að makka bæði við framsókn og krata um kauplækkun og samningsbrot.

Allir þingflokkarnir eru sammála um að skerða verði kjör launafólks. Þeir eru bara ekki sammála um hvernig á að fara að því. Um það standa deilurnar.

Hve mikið á skerða þau er líka spursmál. Sumir vilja ganga lengra en aðrir.

Allir eru þeir sammála um að falsa þurfi kaupgjaldsvísitöluna enn meira. Þannig verða verðbætur á laun hlutfallslega minni hverju sinni.

Allir eru þeir sammála um að skerða eigi enn frekar lýðræðið í verkalyðshreyfingunni. Alþýðuflokkur og Framsóknarflokkur vilja allsráðandi kjaramálaráð sem sjál um kjarsamninga verkalyðshreyfingarinnar. Alþýðubandalagið vill aukið alræði forystumanna stærstu verkalyðssamtakanna.

Það sárnar Alþýðubandalagsforkölfunum mest að ekki skyldi vera haft samráð við þá um gerð frumvarpsdraganna. Ásæðan er eftirfarandi: Frumvarp Ólafs túlkar á opinskáan hátt kjararásstefnu



"Vinstri" stjórnin skipuleggur arðránið fyrir atvinnurekendur.

núverandi stjórnar. Það afhjúpar svikin við verkalyðsstéttina og þjónkun ríkisstjórnarinnar við auðvaldið.

Auðvaldið fleytir rjómann ofan af.


Stefna ríkisstjórnarinnar hefur þjónað auðvaldinu það

vel að Sjálfstæðisflokkurinn hefði varla gert betur. Atvinnurekendur hafa fengið sitt fram á síliurbakka. Verkföll angra þá ekki lengur né aðrar hugsanlegar baráttuaðgerðir sem verkalyðshreyfingin hefur gripið til.

Nú eru stóru verkalyðs-

framhald á síðu 3

Mæðraheimili eða Range Rover



SJÁ SÍÐU 3...

Verð - hökkun á olíu



SJÁ BAKSÍÐU...

Háskóli Íslands: Vísindastofnun eða hvað?

Undanfarið hefur ljót auglýsing skartað á hliðum strætisvagna í Reykjavík. Um er að ræða auglýsingu frá Hæddrætti Háskólans, sem gengur þvert á þá stefnu Stúdentaráðs, að

nám við HÍ skuli vera í þágu alþýðunnar í landinu sem kostar nám stúdenta, en ekki, eins og segir í auglýsingunni, í þágu atvinnuveganna, þ.e. í þágu atvinnurekenda. Auglýs-

ingin ásamt grein sem birtist um málið í Stúdentablaðinu, er birt hér á eftir.

framhald á síðu 3



Guðlaugur Þorvaldsson, rektor Háskóla Íslands.

Kínverjar svara síendurteknum árásum Víetnama

Gagnáráð kínverja.

Kínverjar hafa hafið gagnáráð gegn víetnam vegna síendurtekinna árása víetnama við landamærin.

Víetnamar hafa undanfarnir tvö ár verið með fjandskap við landamærin. Undanfarna mánuði hafa þessar aðgerðir farið vaxandi og árásir víetnama orðið tíðari og grófari. Gagnáráð kínverja beinist að því markmiði að stöðva þessar árásir víetnama.

Fjöldi kínverskra landamæravarða og almennra borgara hefur látið lífið í þessum árásum víetnama. Frá því í ágúst hafa víetnamar gert 705 árásir á 102 stöðum við landamærin og drepit um 300 kínverja. Framleiðslustörf í landamæraheruðum Kína hafa truflast.

Víetnamar hafa bæði beitt skotárásum yfir landamærin og sent herflokkka yfir landamærin, gert þar árásir og sett niður jarðsprengjur.

Frá því í des. sl. hafa árásir víetnama aukist. Skv. upplýsingum Stéttabaráttunnar voru gerðar a.m.k. sjö árásir frá 10. til 23. desember.

Dagana 10. og 13. des. var árás víetnama beint yfir landamærin við Hsiashih í Kwangsi. Þeir fóru um 800 metra inn í landið. Þann 14. gerðu þeir árás á svipuðum stað. Einn kínverji féll og nokkrir særðust.

Þann 11. des. var gerð árás á Maluthang svæðið í Yunnan. Dagana 12., 13. og 16. des.

voru svipaðar árásir gerðar.

Þann 23. desember gerðu víetnamar árás á svæði umhverfis Ping Er Pass. Níu landamæraverðir létust eða særðust.

Mótmæli kínverskra yfirvalda.

Kínversk yfirvöld hafa hvað eftir annað mótmælt þessum og viðlíka árásum á kínverskt land og íbúa.

Þann 24. des. sendi kínverska ríkisstjórnin mótmæli þar sem meðal annars er

skorað í víetnömsk yfirvöld að taka aðvaranir kínverja til greina en skella ekki skollayrum við þeim. Einnig er krafist þess að víetnamar láti af þessum árásum. Í lok mótmælaorðsendingarinnar er sagt orðrætt: "Að öðrum kosti munu víetnömsk yfirvöld bera alla ábyrgð á atburðum sem af þessu kunna að rísa."

Víetnamar halda uppteknum hætti.

Víetnamar héldu hins vegar uppteknum hætti og árásirnar jukust sífellt.

Þann 29. janúar gerðu þeir til dæmis árás. Þeir réðust á kínverska landamæraverði úr launsátri, drápu einn og særðu nokkra. Auk þess lögðu þeir jarðsprengjur á kínversku landi. Árásir voru gerðar allan daginn á ýmsum stöðum og var haldið áfram daginn eftir.

Frá mánaðamótum hafa árásir víetnama harðnað og þeim fjölgað.

Þar eð víetnömsk yfirvöld hafa ekki tekið aðvaranir kínverja til greina en heldur aukið árásir sínar hafa kínversk yfirvöld neyðst til að grípa til gagnárásar.

Sl. laugardag gerðu kínverskir herflokkar árás inn í Víetnam til að binda endi á síendurteknar árásir víetnama.

Tilgangur kínverja er að tryggja landamærin og koma í veg fyrir áframhaldandi árásir víetnama. Kínverjar munu ekki leggja undir sig þumlung lands víetnama heldur eru þeir einungis að tryggja landamæri sín og munu snúa aftur að því loknu.

Í yfirlýsingu kínversku ríkisstjórnarinnar, sem verður gerð nánari skil í næsta blaði, segir m.a. "Við kærur okkur ekki um þumlung af víetnömsku landi en þolum heldur ekki síendurteknar árásir í kínverskt land. Við sækjumst einungis eftir friðsamlegum landamærum. . . . Víetnamar sem eru studdir og hvattir af Sovétríkjunum hafa misskilið friðarviðleitni kínverja ef þeir halda að hernaðarárásum verði látið ósvarað af hálfu kínverja."

LEIDARI Stuðningur Alþýðubandalagsins við kjaraskerðinguna

Það er nú orðið ljóst að aðgerðir ríkisstjórnarinnar 1. des. sl. í efnahagsmálum voru ekki undantekning eða bráðabrgðaráðstafanir vegna sérstakra erfiðleika. Þær leiðir sem stjórnin valdi 1. des. eru orðnar að stefnu ríkisstjórnarinnar.

Aðalinntak þessarar stefnu er ekki að spyrna gegn verðbólgu né að tryggja fulla atvinnu eins og ráðherrar hafa haldið fram. Ef það væru ætlunin þá mundu ráðstafanirnar taka yfir lengra tímabil en að eins þann dag sem laun eiga að hækka. Flestum finnst líka líklegt að ef efnahagsráðstöfunum ríkisstjórnarinnar væri beint gegn einhverju öðru en launahækkunum þá hefði verið fjallað um þær 1. des. og 1. mars.

Staðreynd málsins er auðvitað sú að hin svokallaða vinstristjórn er í engu frábrugðin hægristjórninni. Eina markmið þeirra beggja er að halda laununum niðri og vernda gróða atvinnurekenda.

Þetta sáu launþegar meðan hægristjórnin sat við völd og tók því fullan þátt í því með Alþýðubandalagi og Alþýðuflokki að koma þeirri stjórn frá í síðustu kosningum. Nú hafa þessir sömu flokkar tekið fullan þátt í sömu kjaraskerðingarherferðinni. Nú heyrir ekki lengur frá þessum loddurum krafan um Samningana í gildi. Það eina sem kemst að er að ganga þvert á hagsmuni launþega eins og fyrirrennari ríkisstjórnarinnar gerði.

Þó var engu líkara en Alþýðubandalagið vaknaði með timburmenn eftir stjórnarsamstarfið þegar fréttist um áætlanir forsætisráðherra varðandi 1. mars. En sprikl þeirra tók skjótt enda. Sjálfsagt toga ráðherrastólarnir fastar í sálartetur alþýðubandalagsráðherranna en drengskapurinn um að standa við gefin loforð. Þetta sprikl Alþýðubandalagsins er því algerlega meiningarlaust. Alþýðubandalagið hefur étíð ofan í sig öll stóru orðin sem lögðu grunn að sigri þess í síðustu kosningum.

Um Alþýðuflokkinn tekur vart að tala, stefnan sem höfð var uppi fyrir kosningar er svo steindauð að um hana fara ekki einu sinni dauðakippir lengur hvað sem gert er til að vekja hana til lífsins.

Gagnárás kínverja til að verja landamærin

Þann 17. febrúar hófu kínverjar gagnárás inn í Víetnam. Þessi árás er gerð til að refsa víetnömum vegna þeirra árása sem þeir hafa staðið fyrir að undanförunu á landamærunum. Víetnamar hafa gert 705 árásir á landamærahéruð Kína og í þessum átökum hafa 300 kínverjar fallið, bæði almennir borgarar og hermenn.

Á meðan víetnamar áttu í baráttu gegn heimsvaldasinum veittu kínverjar þeim dyggilegan stuðning og efnahagsaðstoð og víetnamar kölluðu kínverja þá bestu vini sína en nú eftir að sigur vannst hafa víetnamar snúið við blaðinu. Nú eru kínverjar orðnir helsti óvinurinn og öll fyrri aðstoð gleymd. Þetta á alls ekki bara við um kínverja heldur og þau önnur ríki sem dyggilega studdu frelsisbaráttu Víetnams. Má þar nefna Kampuchea sem víetnamar eru nú í óða önn að leggja undir sig með hervaldi. Víetnamar standa ekki lengur með kúguðum þjóðum og frelsisbaráttu alþýðunnar. Þeir hafa stillt sér upp við hlið Sovétríkjanna og þjóna nú heimsvaldamarkmiðum þeirra.

Gagnárás kínverja inn í Víetnam er af allt öðrum toga spunnin en innrás víetnama inn í Kampuchea. Kínverjar ætla ekki að hertaka Víetnam eða koma ríkisstjórninni frá. Aðgerðin er eingöngu gerð til þess að stöðva yfirgang víetnama á landamærunum og þegar kínverjar hafa komið víetnömum í skilning um þetta munu þeir draga herlið sitt til baka.

Þessi gagnárás var neyðarúrræði sem var nauðsynlegt vegna þeirrar stefnubreytingar sem orðið hefur í Víetnam.

Krafa okkar er að Víetnam láti af drottunarstefnu sinni og kalli allt herlið sitt burt frá Kampuchea. Það er ósk allra raunverulegra verkalyðssinna að hægt sé að leysa deilur þær sem nú hafa leitt til hernaðar á friðsamlegan hátt. Það verður þó ekki hægt nema víetnamar láti af árásum sínum á ná-

Verðhækkun á olíu og íslenska auðvaldið

framhald af baksíðu

sú að hinn almenni notandi greiðir niður kostnað þeirra stóru.

En ekki nóg með það. Líttum nánar á verðlagninguna. Verð þeirrar vöru sem seld er til Sovétríkjanna er ákveðið fyrir hvert ár en olíuverðið hækkar stöðugt í takt við heimsmarkaðsverðið. Þannig eru

viðskipti hinna "sósíalísku" Sovétríkjanna við þær þjóðir sem þau geta beitt sér gegn.

En ekki er allt heldur talið því að olían er ekki seld hér sama verði og hún er keypt. Í töflunni hér að neðan er verði olíunnar skipt niður í nokkra liði fyrir árin 1976 og 1978.

Ár	Tegund kostnaðar	% af söluverði gasolíu svartolíu	
1978	Innkaupsverð:	68 %	73 %
	Þ.e. olían komin til lands ins. (Samkv. samningum við Rússa ákvarðast söluverð hvers tons af meðaltali verðs eins og það kemur fram á mörkuðum í Rotterdam og Curacao á þeim degi sem skip lýkur lestun. Við það verð leggst svo flutningsgjald (c.a. 6% af söluverði), váttrygging (ca. 0.6%) og leki (ca. 0.5 %).		
	"Opinber" gjöld	5.5 %	8 %
	Þ.e. tollar, innflutningsgjald, bankagjald, leyfisgjald, vörugjald, landsútsvar.		
1976	Dreifingarkostnaður:	24 %	19 %
	Þ.e. uppskipun og geymslu-leki, álagning og verðjöfnun.		
	Innkaupsverð:	68.5 %	69.9 %
	"Opinber" gjöld	7 %	10 %
	Dreifingarkostnaður	19.2 %	15.17 %

Margt er athyglisvert í þessari verðákvörðun. T.d. er reiknað með að 0.5% af söluverði olíunnar leki, en það er um 0.8% af því verði sem olían er keypt á. Fyrir það fyrsta liggja ekki sektir við því að láta olíu leka í sjóinn? Og eru ekki bæði olíu- og skipafélög tryggð fyrir þannig slysum? Jú og svo er tryggingin lögð ofan á verðið (0.6% af söluverði). Þessi liður sem er ekkert annað en auka

þóknun til olíufélaganna, stuðlar helst að því að olíufélagin hafi minni áhuga á að ganga þannig frá útbunaði sínum að olían leki ekki út og valdi þannig tjóni. Má í þessu sambandi nefna að fyrir tveim árum reyndust olíutankar á Kletti vera hriplekir. Þá sést einnig að stór hluti af þessum hækkunum eru bara opinber gjöld og gróðaaukning fyrir olíufélagin.

Mexícoforseti veitir Carter ákúrrur

Jose Lopez Cortillo veitti Carter Bandaríkjaforseta harðar ákúrrur í ræðu sem hann hélt er sá síðarnefndi kom í heimsókn til Mexico í vikunni sem leið. Sagði Cortillo m.a. að mexíkanar væru meðhöndlaðir sem þriðja flokks borgarar í Bandaríkjunum og að þetta yrði að breytast, ef bandaríkjamenn vildu halda vináttu sinni við Mexico. Taldi hann, að nú reyndi á sanna vináttu ríkjanna, en Mexico hefur nýverið uppgötvað miklar olíulindir sem skipa því á bakk með auðugustu olíuríkjum veraldar. Hefur Cortillo fengið mikið lof fyrir ummæli sín í heimalandi sínu, en bandarískir



Herra Mannréttindi fékk rassskell í Mexíkó.

aðilar eru honum hins vegar reiðir rir hreinskilnina. En það er af sem áður var, nú er Bandaríkjunum nauðugur einn kostur, ef þeir vilja fá olíu frá Mexico, að viðurkenna villu síns vegar og gera yfirbót á ráði sínu.

grannaríkin.

Kínverjar munu ekki halda eftir nokkru af því landi sem þeir hafa nú hertekið. Andstætt við heimsvaldasjónarmið víetnama er árásin gerð til að koma á friði og vernda sjálfstöði Kína með því að stöðva átökinn sem víetnamar hafa staðið fyrir á landamærunum.



SOVÉTRÍKIN FLÆKT Í SJÁLFSMORÐIN Í GUYANA

Skemmst er þess að minnast, er tæplega 900 manns féllu fyrir eigin hendi eða varðmanna ofsatrúarleiddagans Jim Jones, í skógarbúðunum Jonestown í Guyana. Þegar þessir atburðir áttu sér stað voru starfsmenn Tass-fréttastofunnar ekki seinir á sér, að fordæma bandarískt þjóðfélag fyrir úrkynjun og spillingu sem lægi að baki þessum atburðum. Urðu og margir aðrir til að lasta Bandarísk yfirvöld af þessum sökum. En nú herma fregnir, að sovéskir starfsmenn KGB sem staðsettir séu í Guyana hafi verið mikið flæktir í málið. Bandaríska blaðið International Herald Tribune segir eftir heimildum í Georgetown, höfuðborg Guyana, að þriðji sendiráðsritari sovéskra sendiráðsins í George Town, M. Timofeyev hafi haldið um það marga fundi með ofsatrúarklerknum og samstarfsmönnum hans, að flytja allan hópinn til ákveðins staðar við Svarta hafið. T. Timofeyev mun vera majór í KGB, að sögn blaðsins. Margt fleira bendir til þess að Sovétríkin hafi haft hönd í bagga með stjórn Alþýðuhofsins, sem svo var kallað af íbúum þess. Bæði fundust margir ritlingar og bækur í búðunum, sem notaðar voru til hugmyndafræðilegrar skólunar, sem fjalla um ágæti sovésku byltingarinnar og sovéskis þjóðfélags í dag. Og eins hafa fundist bréf sem sára Jones sendi áleiðis til sovéskra sendiráðsins, en af okunnum ástæðum höfnuðu í höndum öryggislögreglunnar í Guyana, sem hafa að geyma orðsendingar þess einis, að miðstjórn sovéskra Kommúnistaflokksins skuli fá til ráðstöfunar 7.2 milljónir bandaríkjadala, sem trúflokknunum hafið áskotnast og ætlaði að skilja eftir sig. Sovéska sendiráðið í George Town skilaði skjalatösku til utanríkisráðuneytis Guyana í janúarmánuði sem innihélt segulbandsupptökur og 87 þúsund gúyanadali. Ekki er vitað hvort sendiráðinu hafið borist meira fé eða fleiri segulbandsþólur, en skilað var í þessari tösku.

FORSETI CHAD Á FLÓTTA

Uppreisn Frolinat-skæruliða í Miðafríkuríkinu Chad virðist stefna í fullan sigur. Forseti landsins, Felix Malloum er flúinn á naðir frakka, en þeir hafa enn herbúðir og nær 1000 menn undir vopnum í landinu. Frolinat-samtökin njóta stuðnings Líbýu og foringi þeirra er Hisse Habres, sem um skeið hefur verið forsætisráðherra í stjórn Malloums. Mikið mannfall hefur orðið í Njamena, höfuðborg landsins og er enn óvíst um úrslit, þótt skæruliðar virðist hafa betur eins og er. Frakkar hafa hingað til haldið að sér höndum, en verja þó hverfi evrópumanna í borginni fyrir hugsanlegri árás.

framhald af forsíðu

Háskóli Íslands: Vísindastofnun eða hvað?

HÁSKÓLI ÍSLANDS

UNIVERSITAS ISLANDIAE

REKTOR

Reykjavík, 23. janúar 1979.

Prófessor Sigmundur Guðbjarnason

Í framhaldi af umræðum á síðasta háskólaráðsfundi út af miklum riðurskurði á rekstrarfjártillögum Háskóla Íslands fyrir árið 1979, er eftirfarandi beint til allra deilda og námsbráuta:

Gerð verði sem allra fyrst athugun á leiðum til sparnaðar í rekstri til þess að draga megi úr áhrifum niðurskurðarins. Gæti sú athugun m.a. beinst að eftirtöldum atriðum:

1. Kannaðir verði möguleikar á einhverri fækkun kennslustunda í námskeiðum, þar sem koma mætti við auknu sjálfsnámi stúdenta.
 2. Framboð valgreina verði endurskoðað með það í huga að úr því megi draga.
 3. Athugað verði hvort ástæða sé til að halda uppi kennslu í námskeiðum, sem farri en 5 stúdentar sækja.
 4. Endurskoðuð verði stærð hópa í dæmatímum og verklegum æfingum með það í huga af fækka megi endurtekningum.
 5. Dregið verði eftir fongum úr ýmsum rekstrarkostnaði við verklega kennslu og rannsóknir.
 6. Reynt verði að nýta að fullu kennsluskipti fastráðiféna kennara.
 7. Fyrirkomulag prófa verði hátt ákvörðun deilda og námsbráuta, en ekki einstakra kennara. Dami eru um að til viðbótar skriflegu prófi af fullri tímalengd koma ein eða fleiri heima-ritgerðir með vaxi í lokaeinkunn. Slíkt eykur kortnað við próf að mun.
- Fleiri atriði kunna að koma upp við athugun.
- Vísad er á kennslustjórn og háskólaritara til upplýsinga og samráðs.

Með bestu kveðju,

Guðlaugur Þorvaldsson

rektor

En nú hefur annað og ógeðslegra komið til. Auðvaldið á í kreppu um þessar mundir og ríkisstjórnin, sem hugsar fyrst um hagsmuni atvinnurekenda en lætur hagsmuni alþýðunnar sitja á hakanum, ætlar að styðja við bakið á atvinnurekendum. Sá stuðningur kemur niður á ýmsum aðilum, þ.á.m. Háskólanum. Ríkisvaldið ætlar að skera niður rekstrarfé skólans til muna - og það sem grófast er í þessu sambandi - rektor og Háskólaráð vilja að komið verði til móts við ríkisvaldið og þar með atvinnurekendum. Þetta sést best á bréfi rektors til allra deilda Háskólans en með fylgjandi afrit er af eintakinu sem sent var deildarforseta Verkfræði- og Raunvísindadeildar. Óþarfi ætti að vera að fara mörgum orðum um innihald bréfsins, enda kemur berlega í ljós hvað verið er að fara. Í stað þess að mótmæla aðgerðum ríkisvaldsins og atvinnurekenda á að koma til móts við þær og þar með fer að verða lítið eftir af vísindastofnuninni Háskóli Íslands. Þróunin gæti orðið sú, ef ekki er gripið í taumana, að jafnvel verði á endanum eingöngu kennt það í Háskólanum sem skilar sér beint út í atvinnulífið sem grófi fyrir atvinnurekendum. Svona lagað hefur reyndar gerst í háskólum víða

Óprúttin auglýsing

Til Háskólaráðs og Stjórnar Happprættis Háskóla Íslands

Reykjavík 16.1.1979.

Stjórn S.H.I. mótmælir harðlega þeim árásum á yfirlysta stefnu Stúdentaráðs Háskóla Íslands í mállefnum Háskóla Íslands, sem fram koma í auglýsingum Happprættis Háskóla Íslands í fjölmörgum þessum dagana.

Stúdentar hafa ávallt varað við þeim hugmyndum sem komið hafa fram um aðild atvinnuveganna og þar með atvinnurekenda, í stjórnun skólans. Þeim tilgangi að styra starfsemi skólans á braut þröngra hagsmuna atvinnuveganna / atvinnurekenda. Einnig hafa stúdentar barið gegn öllum tilhneigingum í þessum átt, meðal annars í baráttu gegn fjöldatakmörkunum og í baráttu fyrir tilveruþrétti hinna

HAPPPRÆTTI HASKÓLA ÍSLANDS
Menntun í þágu atvinnuveganna

„dærbærari“ greina. Það hefur verið stefna Stúdentaráðs Háskóla Íslands undanfarið ár, og ekki farið leyni, að námið skyldi vera í þágu alþýðu, þess fólks sem kostar nám okkar. Því höfum við lagt áherslu á það að stúdentum gefist kostur á að stunda gagnrýnið nám. Okkur þykir það því harkalegt og ómaklegt áráð þegar ein af stofnunum Háskóla Íslands eyðir peningum sínum til að auglýsa nær daglega í öllum stærstu fjölmörgum landsins, slagorð sem ganga þvert á stefnu stúdenta, og sem vart er hægt að finna fót fyrir, hvorki í reglugerð né lögum Háskóla Íslands, að nám í skólanum skuli vera í þágu atvinnuveg-

anna frekar en í þágu einhvers annars. Skorar stjórn Stúdentaráðs Háskóla Íslands á Háskólaráð og stjórn Happprættis Háskóla Íslands að beita sér þegar fyrir breytingum á auglýsingum þessum og verði setningin „Menntun í þágu atvinnuveganna“ annaðhvort með öllu felld niður, eða í hennar stað komi „Menntun í þágu alþýðu“ eða „Menntun í þágu fólksins í landinu“.

F.h. Stjórnar Stúdentaráðs Háskóla Íslands,
Bóli Hólmsson formstjórna S.H.I.

Að ofan: Greinin úr Stúdentablaðinu.

Lengst til vinstri: Rektorsbréfið.

Að neðan: Ályktunin frá Hagsmunafélagi Líffræðinema.

Fundur í Hagsmunafélagi Líffræðinema lýsir yfir megnustu andúð á framkomnu bréfi rektors til deildarforseta um sparnaðaráðstafanir. Fundurinn bendir á að andi bréfsins er að láta Háskóla Íslands berahluta af kreppu atvinnuveganna. Með þessu bréfi er vegið að frelsi Háskólans í þjóðfélaginu. Fundurinn harmar að rektor skuli hafa þá afstöðu að Háskólinn sé þjónustustofnun við atvinnuvegina.

Í framhaldi af þessu leggurfundurinn til að öllum ráðstöfunum í þessum átt verði vísað á bug.

Samþykkt með öllum greiddum atkvæðum.

erlendis.

Bréf þetta kom fram fyrir u.þ.b. 3 vikum en lítið hefur verið rætt um það enn þá og eina blaðið sem hefur birt það er Stúdentablaðið. Þannig að ljóst er að reynt er að halda málinu leyndu. Einhver umræða hefur þó farið fram um það í hagsmunafélögum stúdenta og

er hér birt ályktun frá Hagsmunafélagi Líffræðinema sem reyndar segir allt sem þarf að segja um bréfið.

Það er rétt að svona hlutir séu gerðir lýðum ljósir og mun Stéttabaráttan birta fleira um þetta mál sem upp kann að koma, m.a. niðurstöður deilda þegar þær liggja fyrir.

Kappræðufundur um kvennahreyfinguna

15. febrúar sl. var kappræðu fundur milli Eik(m-l) og Rauðsokkahreyfingarinnar á Hótel Esju. Var salarfyllir eða um 200 manns. Umræðuefni fundarins var hvernig byggja skal baráttuhreyfingu kvenna. Frummælendur voru þrír frá Rauðsokkahreyfingu og tveir frá EIK(m-l).

Í ræðum rauðsokka var fjallað um upphaf Rauðsokkahreyfingarinnar, hvernig hún varð til í kjölfar mikilla þjóðfélags- umræðna á síðari hluta 7. áratugsins.

Gerð var ítarleg grein fyrir starfi hreyfingarinnar frá '76 sökum þess að Eikarar hafa gagnrýnt Rsh mjög fyrir "starfsleysi" frá því baráttukonur EIK(m-l) (3konur) gengu úr hreyfingu árið 1976.

Rauðsokkar telja að kvennahreyfingin verði að vera bylt-ingarsinnuð en þó ekki undir flokksaga. Með því móti er hægt að skapa víðtækari samstöðu meðal fólks sem getur starfað saman að einstöku baráttumálum kvennahreyfing-

arinnar og er sammála um það ákveðna mál en etv. ósam mál um ýmis önnur mál.

Í málflutningi Eikara kom fram að kvennahreyfingin eigi að vera undir flokksaga. Efst er kommúnistaflokkurinn (þ. e. EIK(m-l)) sem hefur umsjón og eftirlit með kvennahreyfingu (sem að sjálfsögðu er 8. mars-hreyfingin). Kvennahreyfingin taki síðan þátt í samfylkingum t.d. með Rsh að vissum málum ef svo ber undir.

Eikarar telja Rsh enn sem komið er vera borgaralega og smáborgaralega. Telja þeir Rsh þó taka framsækna afstöðu í ýmsum málum, en oft vera afturhaldssama. Að þeirra mati er best að mynda aðra kvennahreyfingu en ekki að starfa í Rsh.

Í frjálsum umræðum bar margoft á göma. Var spurningum beint til beggja aðila. Eikarar töluðu mikið um Rsh á æskudögum hennar. Fannst þeim t.d. aðgerðir hennar í byrjun helst til upphlaups- og fálmkennar. Nefndu þær

dæmin þegar blessuð kvígan var dregin á fegurðarsamkeppni og eins þegar gengið var með stóra brúðu (tákn húsmóðurinnar) niður í bæ. Fanns Eikurum alveg furðulegt að Rsh hefði ekki sprottið fram fullmótuð heldur eins og eðlilegt er haft sína barna-sjúkdóma og verið stöðugt að þroskast til vits og ára.

Í heildina má segja að fundurinn hafi á margan hátt verið fróðlegur. Allt of lítil tími var þó fyrir frjálssar umræður. Hefðu fleiri komist í pontu ef Eikarar hefðu sleppt menningarefni sínu og kynningu á Október-forlaginu.

POLISARIO...

framhald af baksíðu

leiðendum heims. Nær því allt fosfat sem unnið er úr jörðu innan Marokkós er flutt til Sovétríkjanna.

Sá hluti Vestur-Sahara sem mæretanúmennhafa reynt að hernema er hins vegar ekki nærri eins auðugur af málum í jörðu.

að þurfa að láta fólk mæta á misjöfnum tíma á vakt. Það þýðir að aðeins hálft starfslið er í vinnu í 50 mín. við hver vaktaskipti og eykur slíkt mjög vinnuálagið.

Á skrifstofu SFR fengust þau svör að varla gætum við verið á móti hagkvæmni og sparnaði í ríkisrekstrinum og því væri þessi breyting sjálfsögð.

Hér er horft fram hjá því eina sem máli skipti: Á hvers kostnað er sparað.

Mæðraheimili fyrir 8 eða Range Rover fyrir Hjörleif

Hræsní Alþýðubandalagsfulltrúanna í borgarstjórn er sér lík. Öll loforð þeirra um að félagsmál borgarinnar yrðu viðreist eru nú að fjúka út í veður og vind. Tillögur borgarstjórnarmeirihlutans um að hætta starfrækslu Mæðraheimilisins við Sólvallagötu, úti-deildar og Meðferðarheimilisins við Kleifarveg hafa nú komið til umræðu á borgarstjórnarfundum. Var samþykkt að falla frá því, að starfrækslu Meðferðarheimilisins yrði hætt, en hins vegar munu verða breytingar á úti-deild og Mæðraheimilinu. Borgarfulltrúi Alþýðubandalagsins bera því við, að fjárskortur leyfi ekki rekstur bæði Mæðraheimilis og nýs dagvistunarheimilis, milli þessa verði að velja. Í forsíðugrein Þjóðviljans s.l. föstudag segir "að spurningin væri hvers konar nýting á hús-næðinu að Sólvallagötu 10 væri einstæðum mæðrum best í hag - Mæðraheimili þar sem 8 mæður og börn þeirra gætu



Hjörleif langar að eignast fínan og dýran bíl.

dvalist í senn, eða sem dagvistun fyrir tugi ungubarna." Á sama tíma og skera á niður 15 milljón króna fjárveitingu til mæðraheimilis, berast

þær fréttir að iðnaðarráðherra Hjörleifur Guttormsson hyggist kaupa Range Rover til eigin afnota fyrir rúmar 13 milljónir. Stéttabaráttan getur ekki varist þessari spurning: Hvað kemur einstæðum mæðrum betur, Mæðraheimili fyrir 8 eða Range Rover handa Hjörleifi?

Vinnutíma breytt á sjúkrahúsum

Ákveðið hefur verið að breyta vinnutíma alls vakta-vinnufólks á ríkisspítölunum. Mun þessi breyting ná til bæði BSRB, BHM og Söknarfélaga. Með þessum breytingum hyggst ríkið spara í launakostnaði og þá auðvitað á kostnað launþeganna.

Flest starfsfólk sjúkrahúsa hefur ekki fastan matar- og kaffitíma en á að geta fengið sér kaffi ef því verður við komið vegna vinnu. Vegna þeirra óþæginda sem af þessu stafar, hefur fólk sem vinnur fullan vinnutíma fengið greitt

sérstakt álag fyrir þær 25 mínútur sem það annars hefði í kaffitíma.

Hjá BSRB mönnum hefur þetta verið þannig að eftir 8 tíma vakt fær fólk greiddar 25 mín. að auki, sem þá er í eftirvinnu.

Nú á hins vegar að stytta vaktirnar um 25 mín. og verður þá vinnutíminn að viðbættum kaffitímanum 8 tímar alls og ekkert í eftirvinnu-kaup.

Þar sem ekki hefur tekist að breyta því að 24 tímar séu enn í solarhringnum, hlýtur



Öreigar og kúgaðar þjóðir heims. sameinist!
Stéttabaráttan
Útg: Kommúnistaflokkur Íslands m-l.
8. tbl. 20/2 1979 8. árg.



STÉTTABARÁTTAN
- kemur út vikulega -
Sími: 27810.
Gíró: 27810-6.

Ábyrgðarm: Sigurður
Ingi Andrésson.

Sigurður Jón Ólafsson
Óðinsgötu 178
101 R

Verðhækkun á olíu og íslenska auðvaldið

Reiknað er með miklum hækkunum á olíu á næstunni. Þetta er ekki nein ný bóla fyrir okkur Íslendinga, þetta er fastir liðir eins og venjulega. En hversvegna er olíuverðshækkunin tekin sérstaklega fyrir og lýst sem sérstakri ógæfu sem dynji yfir jafnóviðráðanlegt og náttúruhamfarir?

Ástæðan er einfaldlega sú að þarna fær ríkisvaldið óvænt tilefni til þess að lækka laun, hækka skatta og draga úr almenningþjónustu án þess að verða kennt um það á

nokkurn hátt. Þetta er allt olufurstunum að kenna og herra olíuverð eru búsfjar fyrir "þjóðarbúið".


En eru "búreikningarnir" ekki eitthvað málum blandnir? Jú, ekki er fjarri því. Þó liggja ekki allir pappírar á borðinu hvað olíukaupin varðar enda ekki lenska að sýna hjúum búreikninga.

Það vill nefnilega svo til að olíuverslunin er vöruskiptaverslun við Sovétríkin. Það er nefnilega leyndarmál seljanda og kaupanda hvernig verðákvörðun vörunnar er og

hvernig verð hinna ýmsu olíutegunda er fundið. Til dæmis er verð hinnar margumtöluðu svartolíu varla fengið á þann hátt sem fullt er í opinberum heimildum. Samkvæmt þeim er verð olíunnar, sama um hvaða tegund olíu er að ræða, meðalverð hæsta og lægsta olíuverðs hverrar tegundar í Rotterdam.

Sú svartolíu sem við fáum er sambærileg að gæðum og olíu með seigju 100 S.R. /38°C.

Í línuritinu hér að neðan er það líkt og það sem merkt er Marine Diesel en ritið sýnir



hlutfall mismunandi olíutegunda á mörkuðum Evrópu. Það verð sem er hér á landi er ekki 90% af verði gasolíu eins og taflan sýnir heldur nær verði lélegustu svartolíunnar sem seld er eða 63% af verði gasolíu.

Ástæðan fyrir þessu verður aftur skiljanleg þegar athugað er hverjir nota svartolíu hér á landi. Það eru aðallega loðnubræðslurnar (síldarbræðslur áður) og Sementsverksmiðja ríkisins. Staðreyndin er því framhald á síðu 2.



Samfara hernaðaráttökunum fer fram diplomatískt stríð. Hér sjást áheyrnarfulltrúar frá stjórn Pol Pots á fundi óháðra ríkja í Maputó nýlega. Til vinstri er forsætisráðherrann, Penh Nouth. - Kúbanir og Víetnamar reyndu allt hvað þeir gátu til að koma í veg fyrir að þessir fulltrúar fengju aðgang að fundinum.

Sigur í Kampucheu: Borgin Krek frelsuð

Í byrjun febrúar bárust þær fréttir frá Kampucheu að herir stjórna Pol Pots hefðu frelsað borgina Krek við þjóðveg nr. 7 í suðurhluta landsins. Árás Víetnama á áður frelsaða borg, Takeo í suðvesturhlutanum, var hrundið.

Árásir hafa einnig verið gerðar á Phnom Penh þar sem 100 víetnamar féllu. Árásirnar hafa komið í veg fyrir fund æðstu manna Víetnams og leppstjórna þeirra í Kampucheu, sein hefur verið frestað frá því um miðjan janúar.

Kampuchéanska hernum tókst að berja á bak aftur sókn víetnama við borgina Takeo í samnefndu héraði í suðvestur Kampucheu. Víetnamska sóknin fylgdi í kjölfar frelsunar borgarinnar nýlega.

Krek frelsuð.

Kampuchéaherinn vann stórsigur er hann náði á sitt vald borginni Krek við þjóðveg 7 sem liggur nærri landamærum Víetnams og héraðsins Kompung Cham í Kampucheu. Um 500 víetnamar hafa fallið og auk þess hafa þeir misst hergögn.

Skömmu síðar reyndu víetnamar að endurheimta Krek en urðu að láta undan síga til borgarinnar Kompung Cham í 60 km. fjarlægð.

Barist í Phnom Penh.

Stjórnarherinn heldur einnig áfram skæruhernaði í höfuðborginni.

Skæruhernaðurinn hefur leitt til þess að fundur leiðtoga Víetnams og "Einingarhreyfingarinnar fyrir frelsun Kampucheu" hefur ekki verið haldinn enn. Fundinn átti að halda í höfuðborginni um miðjan janúar.

Í útvarpssendingum stjórna Pol Pots um síðustu mánaðamót var frá því sagt að um 100 víetnamskir hermenn hefðu verið felldir af skæru-liðum stjórna frá 7. janúar.

Frelsun borgarinnar Krek bendir til þess að víglínan færist sunnar og austar í landið. Með þessu hefur einnig þjóðvegi 7 verið lokað en hann liggur frá landamærunum að höfuðborginni. Að því er virðist er aðeins þjóðvegur 1 opin víetnömum til flutninga milli Víetnams og Phnom Penh.

Þögn íslenskra fjölmöla.

Það er athyglisvert að því meiri sem sigar stjórna Pol Pots verða í Kampucheu þeim mun meiri verður þögn stærstu fjölmiðla landsins.

Ástæðan er kannski sú að þeim vefst tunga um tönn að útskýra það hvernig jafn grimm stjórna og þeir sögðu stjórna Pol Pots vera skuli fá jafn mikinn stuðning og raun ber vitni.

Polisario sækir á í Sahara

Lítið hefur heyrst í fréttum um frelsisbaráttu Polisariohreyfingarinnar í Sahara.

En nýjar fréttir bera með sér að hreyfingin hefur unnið sína mestu sigra frá því Marokko hernam Vestur-Sahara árið 1975.

Þann 16. og 17. jan. sl. gerði Polisario árás rétt norðan við höfuðborgina El Aiouin og eyddi tveimur herdeildum marokkóhersins.

Yfir 600 hermenn Marokkó féllu og 250 særðust og Polisario tók 51 stríðsfanga. Hreyfingin náði einnig miklum vopnabirgðum á sitt vald, 4 brynvarðar bifreiðar, 60 annarskonar farartæki, 80 jeppa, skotvopn auk smærri farartækja. Til viðbótar missti marokkóher orustuflugvél og 4 þryllur.

Þessi stórsókn Polisario var nefnd Houari Boumedienne eftir hinum nýlátna leiðtoga Alsírs en þaðan hefur hreyfingin m. a. fengið stuðning.

Hernám landsins.

Vestur-Sahara var hernamin af nágrannaríkjunum Marokkó og Máretaníu í sameiningu fyrir fáum árum. Fyrst í stað lagði Polisario höfuðáherslu á skæruhernað gegn Máretaníu, enda er það veikari andstæðingur.

Þeir réðust gegn þeim við fosfatnámubæinn Zouerate og máretaníuher var hrakinn í varnarstöðu. Polisario beitti skæruhernaði og allsherjarsóknaraðgerðum.

Fyrirverandi forseti Máretaníu, Oued Daddah, var steypt af stóli, meðal annars vegna ófaranna í Vestur-Sahara. Nýi forsetinn, Duld Salek, hefur átt í erfiðleikum með að móta stefnu í þessu máli. Til dæmis mun hann eiga í miklum erfiðleikum með að fá hermenn og almenning til að styðja áframhaldandi hernaðaraðgerðir í Vestur-Sahara.

Marokkómenn hafa lítið reiknað með máretaníumönnum í hernaðinum gegn Polisario.

Fosfatið laðar að.

Marokkó er einkum á höttunum eftir hinum ríkulegu fosfatnámum við Bu Craa. Með yfirráð yfir þeim er Marokkó með mestu fosfatfram-

framhald á síðu 3



Polisariohreyfingin í Vestur-Sahara á mikinn stuðning íbúanna. Myndin sýnir fyrrum þingmenn á Djemaa, þingi landsins í tíð spánskra yfirráða, sem hafa nú valið leið vopnaðrar baráttu.